



GOUVERNEMENT
DE LA POLYNÉSIE FRANÇAISE

APOORAA A TE MAU FAATERE HAU PARAU HAAPAPA

Mahana toru 7 Atete 2024

Ua putuputu te Faatereraa Hau i teie mahana toru nei. I roto i te mau puta parau i tuatapahia, u a haamana O ia i te puta parau i muri nei :

MEF – Ministre de l'Économie..... 2

- Te turu nei te Faatereraa Hau i te taiete (SARL) Viper Vaa no te maitaì o te roo o te Vaa Tai i nià i te matete no Europa..... **Erreur ! Signet non défini.**
- E tamau noa a te Faatereraa Hau i ta na âpeeraa i te mau taiete nainaì i te pae no te faahoturaa.....**2Erreur ! Signet non défini.**
- Tarifa, e moni hoo o te maa a te mau ùtuafare i te âvaè tiurai 2024 **Erreur ! Signet non défini.**
- Tarifa o te Paturaa Fare e te mau Paturaa a te Hau (BTP) i te âvaè tiurai 2024.....**3**

MEE – Ministre de l'Éducation 4

- Ôpuaraa faaotiraa mana, no te Haafanaò i te tahi Parau Tuìte (certificat) Pacific'Ara ..**Erreur ! Signet non défini.**
- Tauturu Moni i te Fare Haapiiraa Teitei no Uturoa - Raiatea **Erreur ! Signet non défini.**

MJP – Ministre des Sports, et de la Jeunesse..... 4

- Tauturu moni i te mau Âmui-Tahiraa tuàro e te Rima î e i te Pû no te Feia Âpi e te Tuàro no Porinetia farani (IJSPPF)..... **Erreur ! Signet non défini.**



- MEF -

Te turu nei te Faatereraa Hau i te taiete (SARL) Viper Vaa no te maitai o te roo o te Vaa Tai i nià i te matete no Europa

Te taiete (SARL)Viper Vaa, e taiete ia no Raiatea àravahi i roto i te hamaniraa i te mau tauihaa i te pae o te tuàro, te mau vaa maòhi ihoa ra e te mau mea atoà e hinaarohia no te vaa. 15 rave tamau e òhipa nei i roto i teie taiete e tei ìtehia te hoturaa o te òhipa e ta na tereraa faufaa i nià i te faito 60% no te faufaa i ô mai no te tapihooraa i rapae. E taiete ìtehia i te fenua nei e i te ara atoà, na reira atoà i to na tiàraa o roaa ia na i Farani, tei haapâpû i ta na tautooraa i roto i te haamaitairaa i ta na tereraa òhipa.

Ua titau mai te (SARL)taiete Viper Vaa i turu a te Faatereraa Hau, no te paèpaè i te mau tuhaa faatianianiraa, ia tià ia na ia faaò atu i roto i na tapura òhipa rahi e too-piti i Farani : te “Mondial du Vent” i Leucate, mai te 7 e tae atu i te 14 eperera i maìri aè nei e te “Vendée Vaa aux Sables d'Olonne”, mai te 8 e tae atu i te 11 me 2024. Teie mau tataùraa ua horoà mai ia i te tahi hiòraa faufaa roa no te taiete tei faaiteite e tei hoo atoà i te mau Vaa Taiè.

E tià ia parauhia e, te mea i tupu na roto i teie faanahoraa, ua hau atu ia i te mea i manaòhia e teie taiete. Ìnaha te roo maitai i ìtehia ua tae roa ia i nià i te matete no Europa, o te riro i te haamaraa atu a i te faufaa i te pae no tapihooraa i te ara, te tapeàraa mai i te mau rave òhipa, e penei aè e tihepu faahou mai i te rave òhipa âpi. Hau atu, te paèpaè nei teie ôpuaraa i te faanahoraa no te raa tumu no Raiatea iho e tae noa atu i te tahi mau taiete no Raiatea, e tauturu atoà hoì i te faaravaìraa faufaa taatoà o te fenua nei.

E mea faufaa atoà ia faahitihia e teie tururaa te ô atoà nei i roto i te arataìraa âmui no te faaitoito i te mau ìmiraa raveà i te fenua nei, i te pae Raromataì ihoa ra, ma te paruru e te mau maite i te ìte e te paari e vai nei i roto i to tatou nunaa, i mua i te hinaaro e hopoi i te faatupuraa òhipa i Atia.

I mua i te tuàtiraa o teie ôpuaraa e te mau reni faahoturaa faufaa hinaarohia e te Faatereraa Hau o te fenua, e o ta te reira e faatupu i roto faaravaìraa faufaa o te fenua nei, ua paturu maite te Faatere Hau no te Faaravaìraa Faufaa, no te Tapura Faufaa e te Faufaa, tiàau atoà no te mau Ito, i mua i te Faatereraa Hau, e ia faataahia te tahi tauturu moni i nià ii te faito **1 200 000 F CFP** i te taiete (SARL) Viper Vaa, no te tuhaa faatianianiraa i te Vaa Taiè i Europa.

E tamau noa a te Faatereraa Hau i ta na âpeeraa i te mau taiete nainai i te pae no te faahoturaa

Ua farii te Faatereraa Hau e pae nau aniraa tauturu i te pae no te tauihaa no te mau taiete nainai (AEPE) e te tauturu no te faaoraora faahou i te mau fare toa e te mau fare tamaaraa (APCR).

Te mau tauturu i faataahia e teie faanahoraa AEPE APCR, no te amo ia i te mau tuhaa e faaòhipahia no te hooraa mai i te mau tauihaa no te òhipa e aore ia no te faanahonahoraa i te mau fare, no te haamaitai i te pae no te tapihooraa e te maitai atoà o te vahi fariiraa o teie mau taiete i roto anei i te paturaa e aore ia i te faahoturaa. Te faito âmui no te tauturu e **3 107 000 F CFP**, no te tahi ôpuaraa âmui (HTVA) **7 469 264 F CFP**.



Teie na taiete too-pae, no roto mai ia i te mau tuhaa no te fare tamaaraa, te fare toa, e te mau òhipa tapihoora rau e te manaò ra e ìriti e hitu mau tiàraa òhipa, tau poto e tau roa (CDD, CDI).

Tarifa, e moni hoo o te maa a te mau ùtuafare i te âvaè tiurai 2024

I te âvaè tiurai 2024, ua maraa te faito o te moni hoo o te maa e 0,3 % e tei vai i nià i te 111,20. Te tumu o teie maraaraa, o te maraaraa ia i te pae no te utaraa (+ 15,4 %).

Ia òre ia taiòhia te mau titeti manu no te ara, ua topa ia te moni hoo i te faito 0,1 % i te âvaè tiurai 2024, ua maraa ra 1,3 % i nià i na 12 âvaè i haerehia mai.

Ua vai noa te moni òhipa i te âvaè tiurai 2024, e ua maraa 1,2 % i na âvaè 12 i haerehia mai.

Mai te âvaè tiurai 2023 e tiurai 2024, te moni hoo âmui no te maa tei maraa e 1,3 %. Ia numerahia i nià i na 12 âvaè i haerehia mai, tei nià ia i te faito +1,2 %, ia au i te pû numeraraa a te Hau (ISPF).

Faahuàhuàraa no te maraaraa

Te tatararaa no te maraaraa no te moni hoo o te maa i te roaraa i te âvaè tiurai ra, no roto mai ia i te maraaraa no te moni hoo i te pae no te utaraa (+15,4 %) na roto ihoa ra te maraaraa te titeti manureva (19,2 %). Te tahi atoà mau tarifa tei maraa atoà, mai te mau pereoo (+0,3 %) e te mau tiàraa òhipa rau i te pae no te tamaraa fare (0,6 %).

E tià atoà ra ia parauhia e na toparaa no te tarifa o te mau niuniu parauparau e te natireva (-3,3 %, o te maa (-0,2 %), o te mau hotu moana tei topa atoà e 4,8 % e te mau haamaitàraa e tataàraa i te oraraa ùtuafare 0,6 %.

Te rauraa o te moni hoo o te maa	Me 2024		Tiunu 2024		Tiurai 2024	
	Farani	Porinetia farani	Farani	Porinetia farani	Farani	Porinetia farani
I na âvaè 12 haerehia mai	2,3	0,7	2,2	1,3	2,3	1,3

Tarifa o te Paturaa Fare e te mau Paturaa a te Hau (BTP) i te âvaè tiurai 2024

I te âvaè tiunu 2024, te tarifa o te Paturaa fare e te mau Paturaa a te Hau (BTP), tei vai noa e tei haamau i nià i te 132,68. Te tumu, no te aifaitoraa i roto i te maraaraa no te mau òhipa rau 0,1 % e te toparaa no te mau tauihaa fare e 0,,1 %. I nià i te 12 âvaè, te tarifa âmui o te Paturaa Fare e te mau Paturaa a te Hau, ua topa ia e 0,4 %.



I roto i te Paturaa Fare, te tarifa no te mau òhipa rarahi tei topa 0,1 % e te mau òhipa tanotano noa tei maraa 0,1 %. I nià 12 âvaè, te tarifa âmui no te Paturaa fare tei topa 0,6 %.

I roto i te mau Paturaa a te Hau, te tarifa no te mau raveà àravahi tei maraa 0,1 %, ârèa te mau òhipa taa ê tei topa 0,4 %. I nià âvaè 12, te tarifa âmui no te mau Paturaa a te Hau tei topa 0,2 %, ia au te Pû numeraraa a te Hau (ISPF).

- MEE -

Ôpuaraa faaotiraa mana, no te Haafanaò i te tahi Parau Tuìte (certificat) Pacific'Ara

Tei roto o Porinetia farani i te tahi tuhaa e parau rahihia ai te reo peretane, e te farii nei i te mau ratere no Marite apatoèrau mai. E mea faufaa ia pâpû i te parau i te reo peretane, i roto i te hotera e te mau fare tamaaraa o te fenua nei. Ei haamanaòraa, ua haamauhia na te tahi mau fare haapiiraa reo farani e peretane i Popora mai te matahiti 2023 mai, e te fare haapiiraa no te mau toroà no Patitifa teie e tauturu nei i te mau âitauraa i rotopû i te mau piahi auteraria e porinetia. Ua haamauhia ia te tahi arataàraa reo peretane i Patitifa nei, no te faaineine i te mau rave òhipa e faaòhipa e piti reo e hau atu, ma te fanaò i te tahi parau tuìte (certificat) piihia Pacific'Ara no te feia tiàraa òhipa « bacheliers ».

Tauturu Moni i te Fare Haapiiraa Teitei no Uturoa - Raiatea

Na roto i te aniraa a te Faatere Hau no te Haapiiraa, te Haapiiraa Teitei e no te Hiroà Tumu, ua haamana te Faatereraa Hau e faataa i te Tauturu Moni no te faaòhipa i te fare Haapiiraa Teitei no Uturoa, i nià i te faito e **3 136 000 F CFP**.

Teie tauturu moni no te amo ia i te tuhaa tiaàraa e hiòpoàraa i te mau puhaparaa i te pô, i te mea e, i mua i te mau fifi no te mau raveà arairaa àti auahi, e mea faufaa ia titauhia te tahi taiete àravahi no teie tuhaa òhipa.

- MJP -

Tauturu moni i te mau Âmui-Tahiraa tuàro e te Rima î e i te Pû no te Feia Âpi e te Tuàro no Porinetia farani (IJS PF)

Na nià i te aniraa a te Faatere Hau no te Tuàro, no te Feia Âpi, no te Arairaa i te mau Òhipa ìinoo, e Tiàau atoà i te Rima î, ua haamana te Faatereraa Hau e faataa i te tauturu moni no te faaòhiparaa e te faahoturaa, i nià te faito e **50 412 000 F CFP**.

Teie i muri nei te faanahora no te ôpereraa o teie mau tauturu moni :

I te pae no te Faaòhiparaa, ia âmuihia, tei nià ia i te hoê faito e **32 412 000 F CFP**



- I te pae no te tuàro no te amuraa i te mau tereraa òhipa atoà no teie matahiti 2024
 - Âmui-tahiraa no te tuàro hopu na raro i te moana no te tataùraa : **1 900 000 F CFP** ;
 - Âmui-tahiraa no Porinetia no te taputo, te taputo tinito âmui, te taputo Peretiria e te mau tuàro tapiri mai : **2 400 000 F CFP** ;
 - Âmui-tahiraa taora poro no Porinetia : **2 500 000 F CFP**.
- I te pae o te Rima î, no te mau tereraa òhipa no teie matahiti 2024
 - Âmui-tahiraa *Te Tuhuka O Te Henua Enana*, no te faatupuraahia te 55raa no te Peho Rima î a to te Henua Enana, o tei tupu na mai te 30 me e tae atu i te 9 tiunu, e no te 56raa no te Peho o te tupu atu mai 31 atopa e tae atu i te 11 novema : **14 760 000 F CFP** ;
 - Tomite Faatupu i te faaiteitèraa Rima î no Tahiti I te Rima î, no te 35raa o te *Heiva Rima î*, o tei tupu na mai te 27 tiunu e tae atu i te 14 tiurai 2024, e no te te 17raa no te *Noera a te Rima î*, o te tupu atu mai te 11 e tae atu i te 24 titema 2024 : **10 852 000 F CFP**.

I te pae no te Faahoturaa, i nià ii te hoê faito e **18 000 000 F CFP**.

- No te Pû o te Feia Âpi e te mau tuàro no Porineti farani (IJSPF) no te amo i te mau tuatapaparaa matamua no te paturaa e piti haapahuraa pape no te àuraa i Papeete e te tahi tuatapaparaa hau atu a no te haamaità i te vahi hororaa e te tahua tuèraa popo no Pater, Piraè, no te faaineine i te Heiva Nui no Patitifa 2027.

SERVICE DE LA COMMUNICATION
